

Rudnik mrkog uglja "Kakanj" d.o.o. Kakanj

Statut je objavljen na oglasnoj ploči u  
sjedištu Društva, dana 23.07. 2020.  
godine

**STATUT**  
**Rudnika mrkog uglja „Kakanj“ d.o.o. - Kakanj**

juli, 2020. godine

**SADRŽAJ**

<b>I</b>	<b>OSNOVNE ODREDBE</b>	član 1.-3.	str. 3.
<b>II</b>	<b>STATUSNA OBILJEŽJA</b>	član 4.-8.	str. 4.
<b>III</b>	<b>DJELATNOST</b>	član 9.-12.	str. 5.
<b>IV</b>	<b>OSNOVNI KAPITAL</b>	član 13.-18.	str. 9.
<b>V</b>	<b>UDJELI</b>	član 19.-20.	str. 10.
<b>VI</b>	<b>ZASTUPANJE I PREDSTAVLJANJE</b>	član 21.-23.	str. 10.
<b>VII</b>	<b>ORGANIZACIJA</b>	član 24.-25.	str. 11.
<b>VIII</b>	<b>ETIČKI KODEKS, POSLOVNA TAJNA I ZABRANA KONKURENCIJE</b>	član 26.-29.	str. 11.
<b>IX</b>	<b>RAZVOJ, POSLOVANJE I ZAŠTITA NA RADU</b>	član 30.-33.	str. 13.
<b>X</b>	<b>UPRAVLJANJE DRUŠTVOM</b>	član 34.-57.	str. 14.
<b>XI</b>	<b>STATUSNE PROMJENE I PRESTANAK DRUŠTVA</b>	član 58.-60.	str. 21.
<b>XII</b>	<b>OBLICI POVEZIVANJA</b>	član 61.-64.	str. 22.
<b>XIII</b>	<b>MEĐUNARODNI RAČUNOVODSTVENI STANDARDI - MEĐUNARODNI STANDARDI REVIZIJE</b>	član 65.-67.	str. 23.
<b>XIV</b>	<b>REVIZIJA</b>	član 68.-69.	str. 23.
<b>XV</b>	<b>POSTUPAK NABAVKE</b>	član 70.-72.	str. 24.
<b>XVI</b>	<b>NEDOPUŠTENE I OGRANIČENE AKTIVNOSTI DRUŠTVA</b>	član 73.-74.	str. 24.
<b>XVII</b>	<b>AKTI DRUŠTVA</b>	član 75.-80.	str. 25.
<b>XVIII</b>	<b>ORGANIZOVANJE RADNIKA</b>	član 81.-82.	str. 26.
<b>XIX</b>	<b>PRELAZNE I ZAVRŠNE ODREDBE</b>	član 83.-86.	str. 26.

Na osnovu člana 234. i člana 310. Zakona o privrednim društvima Federacije Bosne i Hercegovine („Službene novine Federacije Bosne i Hercegovine“ broj: 81/15), Skupština Rudnika mrkog uglja „Kakanj“ d.o.o. – Kakanj na 81. sjednici održanoj 20.07.2020. godine, usvojila

## S T A T U T

### Rudnika mrkog uglja „Kakanj“ d.o.o. - Kakanj

#### I OSNOVNE ODREDBE

##### Član 1.

##### (Predmet Statuta)

Statutom Rudnika mrkog uglja „Kakanj“ d.o.o. – Kakanj (u daljem tekstu: Statut) uređuju se:

- a) statusna obilježja (firma i znak, sjedište, pravni položaj i odgovornost),
- b) djelatnost,
- c) visina osnovnog kapitala,
- d) način povećanja i smanjivanja osnovnog kapitala,
- e) raspodjela dobiti,
- f) način formiranja i korištenja fonda rezervi,
- g) način pokrića gubitaka,
- h) vođenje poslovanja, zastupanje i predstavljanje Rudnika mrkog uglja „Kakanj“ d.o.o. – Kakanj (u daljem tekstu: Društvo),
- i) organizacija Društva,
- j) Etički kodeks, poslovna tajna, zabrana konkurencije,
- k) razvoj i poslovanje Društva i zaštita na radu,
- l) upravljanje i način donošenja odluka, sastav, način imenovanja i razrješenja, ovlaštenja i odgovornosti organa Društva,
- m) statusne promjene i prestanak Društva, oblici povezivanja, računovodstveno – revizijski standardi, revizija, postupak nabavke, nedopuštene i ograničene aktivnosti Društva,
- n) akti Društva,
- o) organizovanje radnika i
- p) prelazne i završne odredbe.

##### Član 2.

##### (Vrijednost i misija)

Polazeći od svog značaja i karaktera djelatnosti, ključne vrijednosti i misija Društva su:

- poduzimanje mjera i aktivnosti radi ostvarivanja kontinuirane i kvalitetne proizvodnje,
- poduzimanje odgovarajućih mjera radi osiguranja stabilnosti u radu i poslovanju, dostizanja visokog stepena efikasnosti u poslovanju i održivog razvoja Društva,
- ostvarivanje poslovnih odnosa po tržišnim uvjetima privređivanja, u skladu sa zakonom i Ugovorom o vođenju poslova, te aktima kojima se reguliraju sistem i politika cijena i odnosa sa kupcima,
- efikasno pružanje usluga kupcima i transparentnost u poslovanju,
- profesionalni razvoj i socijalna sigurnost radnika.

### Član 3.

#### (Historijat Društva)

- (1) Rudnik Kakanj je osnovan 1902. godine.
- (2) Rudnik mrkog uglja "Kakanj" d.o.o. Kakanj je osnovan Odlukom Upravnog odbora Rudnika uglja "Srednja Bosna" Kakanj, broj: III- 1 -1/99 od 11.01.1999. godine i Ugovorom o međusobnim odnosima preduzeća nastalih statusnim promjenama D.O.O. Rudnici uglja "Srednja Bosna" Kakanj broj: 773/99 od 24.05.1999. godine. Rudnik mrkog uglja "Kakanj" d.o.o. - Kakanj je upisan u Registar Kantonalnog suda u Zenica broj U/I – 484/99 od 27.05.1999. godine, registarski broj subjekta upisa 1 – 7871.
- (3) Vlasnik 100% udjela po osnovu Ugovora o istupanju osnivača iz društva i prijenosu cjelokupnog udjela na novog osnivača koji pristupa društvu broj: OPU-IP: 425/09 od 24.07.2009. godine i Aneksa br.1., OPU - IP 425/09 od 24.07.2009. godine je JP Elektroprivreda BiH d.d. – Sarajevo (u daljem tekstu Vladajuće Društvo).

## II STATUSNA OBILJEŽJA

### Član 4.

#### (Firma)

- (1) Firma Društva glasi:  
Rudnik mrkog uglja „Kakanj“ d.o.o. – Kakanj
- (2) Skraćena firma Društva glasi:  
RMU „Kakanj“ d.o.o. – Kakanj
- (3) U svom poslovanju Društvo koristi firmu u punom ili skraćenom obliku, na način kako je isto upisano u sudski registar.

### Član 5.

#### (Amblem Društva)

- (1) Društvo ima amblem.
- (2) Amblem Društva je okruglog oblika, crne boje i u njemu je napisano RUDNIK KAKANJ.
- (3) U krugu je upisan drugi krug manji za 1/3, sa težištem spuštenim za 1/3 koji je zelene boje i u središtu manjeg kruga nalaze se dva ukrštena čekića, a ispod njih piše 1902.
- (4) Amblem se upotrebljava u službenoj korespondenciji i u reklamno-propagandne svrhe.

### Član 6.

#### (Pečat i štambilj)

- (1) U svom poslovanju Društvo koristi pečate, štambilje, memorandume i slično u skladu sa zakonom i vlastitim aktima.
- (2) Pečat Društva je okruglog oblika, prečnika 30 mm, s kružno ispisanim tekstom: Rudnik mrkog uglja „Kakanj“ d.o.o. - Kakanj, sa dva ukrštena čekića u sredini i sa označenim brojem pečata.
- (3) Štambilj Društva je pravougaonog oblika veličine 65x40 mm na kojem je upisan tekst: Rudnik mrkog uglja "Kakanj" d.o.o.- Kakanj sa označenim brojem štambilja i prostorom za upisivanje broja, datuma prijema i broja priloga.
- (4) Ispod cjelokupnog teksta štambilja je znak s dva unakrsna čekića.
- (5) Odredbe o upotrebi pečata i štambilja, kao i njihov broj, čuvanje i rukovanje utvrdit će se posebnim aktom Društva.